

ANEXO 7.- Recomendacións para o deseño de comunicacións, uso de imaxes e publicacións en redes sociais.

1. Gravación e uso de imaxes:

- Cada vez que se proceda á gravación dunha actividade, adestramento ou partido os NNA e os seus representantes legais deberán estar informados desta práctica.
- Non se permitirán as sesións fotográficas individuais con NNA.
- Non se permitirá a toma de fotografías ou vídeos en vestiarios, baños, habitacións ou salas de tratamento sanitario.
- As imaxes publicadas nas páxinas web ou redes sociais non incluírán datos de carácter persoal que faciliten a identificación de NNA.
- Os NNA non se fotografarán de forma degradante ou provocativa.
- Os espectadores ou terceiros que asistan a unha práctica deportiva e desexen tomar gravacións ou fotografías solicitarán autorización expresa á organización do adestramento, evento ou competición.

2. Riscos do mal uso da tecnoloxía da información e da comunicación (TICs) e das redes sociais:

- Acceso e distribución non autorizado de datos persoais.
- Distribución ou publicación de fotografías e vídeos sen consentimento.
- Envío de material ofensivo ou inapropiado.
- Ciberbullying, grooming ou facilitación de achegamentos co obxecto de cometer abusos sexuais.

3. Uso adecuado das TICs

- Coñecer cales son os comportamentos adecuados e inadecuados, tanto do persoal como dos deportistas e os seus familiares no uso da páxina web, redes sociais, aplicacións de mensaxería e calquera outra forma de comunicación electrónica.
- Comprender que tódolos principios de seguridade deben de seguirse en calquera dispositivo electrónico.
- Asegurarse de que calquera publicación que se leve a cabo respecta a lexislación vixente. A tal efecto, se deberá facer un exercicio de empatía e de análise de consecuencias de cada publicación que se faga.
- Proporcionar a información adecuada á persoa encargada de xestionar a presenza da nosa entidade en internet (páxina web, redes sociais, etc).

4. Presencia en internet das entidades deportivas.

- Tódalas contas de redes sociais estarán protexidas por unha clave que será coñecida por, alo menos, tres persoas da entidade.
- As persoas que monitoricen cada conta deberán estar correctamente identificadas.
- Calquera publicación inapropiada ou que se interprete como un risco para os/as deportistas, resto de participantes ou para a propia entidade, será eliminada inmediatamente. Se informará desta situación á persoa afectada e aos seus familiares.

- Tódalas publicacións se farán de acordo ao estrito cumprimento da Lei de protección de datos persoais. Deste xeito se evitará en todo momento calquera dato ou imaxe que facilite a identificación dos NNA.
 - A persoa responsable da xestión de redes sociais e da páxina web da entidade deberá asegurarse de ter o consentimento informado de tódalas persoas (ou dos seus representantes legais) que aparezan nas publicacións e/ou nas comunicacións.
 - Non se permitirán publicacións que idealicen ou promovan comportamentos delitivos ou que poñan en risco a seguridade dos deportistas.
5. Presenza en internet e en redes sociais dos/as deportistas, participantes ou da xunta directiva:
- Os/as participantes na actividade deportiva deberán coñecer estas guías e comportarse conforme as mesmas.
 - Os/as participantes non utilizarán as súas contas persoais para publicar información relacionada coa entidade. Calquera comunicación oficial farase dende as contas oficiais da entidade.
 - Os/as participantes non se comunicarán con NNA a través de mensaxes privadas dende as súas contas persoais. Calquera comunicación individual con un menor deberá facerse a través dos seus representantes legais.
 - Os/as participantes se comportarán dun xeito adecuado e respectuoso en internet, tendo en conta que poderán ser seguidos por NNA da entidade.
 - Os participantes non utilizarán os dispositivos móbiles para comunicarse durante os adestramentos ou competicións, tanto en público como nos vestiarios, excepto se se trate dunha emerxencia.

